

O zibaldôn minô de-e riflescioin

COMPUTER Anche noiatri veggetti, se semmo computerisê. Un bravo figgio simpatizzante, o l'è vegnûo in sede a installâ i programmi (un giorno) e a insegnaghe comme usâli (quaranta volte; e no l'é ancon finîa pê lé). Un dramma: l'è vegnûo fôa che tanti nommi son... trapassê; che i telefoni ed indirissi no corrispondan ciù e i soci no son reperibili (per esempio avverti dê cerimonie o do pranzo sociale); un sacco de gente che da anni riceve o bollettin e a no l'è in regola con e quote, troppi pê nostre finanze. Tanta gente oua gh'a l'e-mail, ma noiatri no-o savemmo dilo a-o nostro sito (e 'ntanto mielo), che o l'è.

Aloa se demmo sotta a rifâ o schedaio da cappo. Ma mica poëmmo inventâselo. Dêghe n'a man, perché o computer taggia fôa chi non saîa in regola, non pê cattiveia ma pê correttezza.

QUOTE tra 'n pò saîa torna o tempo de o rinnovo de l'iscrission. Capimmo a seccatua de vegni in sede, o de anâ a-e poste a fâ a cò. Già se poemmo a tutti i Martedì, a-o Ducale.

O Consolato dovieva decidde e lancà de idee domandâ a-a banca Carige e ghe vegne incontro deburocratizzando un bonifico (perché un bonifico ad atra banca o fan pagà 4 euro); oppure i nostri soci che gh'an un negozio, poievan mettisse a disposizion per ricevere a quota: saieva una situasion capillare commoda a tanti, oppure pagala con 'na carta de credito o telefonin o...

Ma pê queto, ed âtro, ghe vèu quarched'un - esperto in to rammo - che ghe desse 'na man a organisase Help! (o fa moderno!).

BIBLIOTECA A proposito de dà 'na man, gh'emmo un socio che o l'ha quasi finio de mette in ordine a biblioteca: son zà tutti cataloghè i Opuscoli (in quatorze contenitò, ciaschedun con drento ciù o meno 50 fascioletti); e i Libbri de Zena e Liguria, son 2300 volumi (ma pê esè una bella biblioteca, i libbri son ben pochi; ghe n'orievan dexemilla. Non si chiede... l'ereditè, ma se ciaschedun sensibile quande o vegne a rinnovâ a quota o regalasse un solo volumme, a biblioteca sajeva ciù 'pingue' e seria).

In to computer son riportê pê titolo, nomme d'autôu, editô, anno de edision e mateia. Poi, ghe saîa da mette in ordine quelli de terre vîcine, tipo a Provenza, a Lunigianna, o Basso Piemonte e Monaco. Un pitin pê vòtta. A-a finne saîa da mette in ordine l'emeroteca ligure; ciù de duçento riviste son zà tutte divise insingoli contenitò, unn-a pê unn-a, ma son da registrate in to computer. Anche chi, pê o rifornimento, contemmo su l'agiuuto di soci: a raccota di giornali e riviste liguri, a 360°, dai bollettin parrocchiali a quelli dê aziende, di paise da riveâ, dê associazione, ecc.

SOCI Anche numericamente semmo un po' pochi. Ma domandemo: non l'avei di amici da coinvolge o di figgi o di nèvi a cui insegnâ l'amour pê Zena? A-o pranzo sociale, ben pochi han portô i so figgieu e nevi. Ma, cosa ghe insegnè a-i figgi e nevi? E che rispetto v'aspetae, se no ghe tramandè l'amò pê a sò terra, e sò tradizione... a sò famiglia? Bah, i tempi cangian; ma stè a vedde che de segûo a sti figgi gh'ei pagôu o telefonin. Lascemmolì pure vive o sò secolo; ma, realizae solo o moderno, fa un pò penn-a.

.....

e parolle do gatto di elena pongiglione

... de mà in pezo...!

